

Европа кенгаши Президенти Ўзбекистонда



Европа кенгаши Президенти Шарль Мишель 27 октябрь куни мамлакатимизга ташриф буюрди.

Бугун, 28 октябрь куни тонгда олий мартабали меҳмон "Янги Ўзбекистон" боғига бориб, Мустақиллик монументи пойига гулчамбар қўйди.


«Кўксарой» қароргоҳида Шарль Мишелни Ўзбекистон Президенти Шавкат Мирзиёев кутиб олди. Улар биргаликда суратга тушди.

Сўнг олий даражадаги музокаралар бошланди.

Тор доирадаги учрашувда кўп қиррали ҳамкорликни янада кенгайтиришнинг долзарб масалалари кўриб чиқилди, халқаро ва минтақавий кун тартиби юзасидан фикр алмашилди.

Мамлакатимиздаги демократик янгиланишлар ва иқтисодий ислохотларни, энг аввало, инновациялар, "яшил" иқтисодиёт, рақамлаштириш соҳаларида амалга оширишга кўмаклашиш мақсадида амалий ҳамкорликни кенгайтириш борасидаги биргаликдаги ишларни давом эттириш юзасидан келишувга эришилди.

Бундан ташқари, Ўзбекистон томонидан "Марказий Осиё - ЕИ" форматдаги саммитда илгари сурилган таклиф ва ташаббусларни рўйбга чиқариш бўйича "йўл харитаси"ни тайёрлаш масаласи келишиб олинди.



Манба